

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Io. Freinsheimii Commentarii in libros svperstites Q. Cvrtii Rvfi

**Freinsheim, Johann
Curtius Rufus, Quintus**

[Argentorati], [circa 1639 oder später?]

Cap. VI

urn:nbn:de:bsz:31-103771

Genealogia Alexandri.

V. AMYNTAS I. Rex Macedon. Darii Hytaspis filii iussu à Megabazo Persarum imperio subditus, reliquit *Alexandriam* Diuitem; *Bocrum* cuius filius *Meleager* *Arfinoen* *Ptolemæi* regis matrem procreauit; & *Gygæam*, quæ ex Bubare Persa suscepit *Amymam*, cui *Xerxes* Alabanda Phrygiæ dono dedit.

VI. ALCETAS R. Maced. regnauit annis XXIX. reliquit successorem *Amymam*.

VII. ÆROPVS R. Maced. cum infans adhuc esset, à Macedonibus qui ab Illyriis premebantur, vt erat in cunis, iruaciam est prolatus, felici ipsis consilio.

VIII. PHILIPPVS huius nominis primus Rex Macedonia.

IX. ARGÆVS Rex Mac. repressit Illyrios, bellum tum primum Macedonibus facientes, decepto hoste virginum Baccharum apparatu.

X. PERDICCAS I. Rex Maced. moriturus filio locum monstrauit, in quo se & successores suos condi vellet, pollicitus regnum in familia mansurum, quoad id fieret: qua superstitione credunt extinctam in Alexandro stirpem, quod is alibi sepultus esset. De hoc vide quædam ab hoc ordine diuersa apud Herodotum 8, 137. &c.

XI. TYRIMAS regnauit annos XXXVIII. reliquit successorem *Perdiccam* filium.

XII. COENVS Carani filius, *Tyrims* pater, regnauit in Macedonia annos XII.

XIII. CARANVS patria Argiuus, ex familia Temenidarum qui diu regnum Argis obtinuerunt, regni Macedonici conditor, quibus parentibus ortus sit, non proditur, præter quod originem à *Temeno Herculis* filio habuisse, inter auctores constat. Vide tamen fragmentum Satyri apud Scalig. in adiunctis ad Euseb. pag. 372.

CAP. VI.

Finem his prolegomenis faciemus Vitam Alexandri quemadmodum à *Raphæle Volaterrano* in compendium redacta legitur.

Alexandri Philippo Macedone nati, & vitam & gesta innumerabiles pene Græci posteritati tradidere; è quibus Clitarachus, Polycrates, Onesicritus, Antigenes, Istrus, Aristobulus, Chares, Hecataus Eritreus, Philippus Chalcidensis, Duris Samius, Ptolemæus, Anticlidæ, Philo Thebanus, Philippus, Hæzangelus, Antisthenes, Monachus Sicyonius, Nymphis Heracleotas, Potamon Mitylenæus, Sotericus Asiter, Arrianus, Plutarchus: è nostris vero Q. Curtius. Ego autem epitome breui percurram. Igitur natus scribit Plutarchus VIII. Idus Aprilis. Ab eo astem, qui in Latinum eam conuertit, circa idus Augusti scribitur; quod sane cuius sit error nescio. Etatis & discipline rectorès, Léonidam Olympiadis matris necessarium, & Iysimachum Halicarnasæum habuit. Deinde Aristotelen præceptorem, à quo eruditus fuit, persequenter amauit, scientiaque physica delectatus, quandoque ad eum per literas questus est, quod libros eam disciplinam continentes, vulgo ediderit. At ille respondit, editor quidem, sed tanquam non editor ob eorum obscuritatem fore. Annum agens XVI. à patre profecto in obsidionem Byzantiæ ad regni curam dimissus domi est, post eius vero mortem annos XX. natus imperium

Vita Alexandri.

periculis iniens primam in Thebas expeditionem fecit, easque bello superatas evertit: cum Atheniensibus pacem fecit, quanquam Thebarum casum moleste ferentibus: ad Isthmum venienti omnes obviam praefer Diogenem Cynicum venire; miratus Alexander ad eum in sole apricantem venit, rogans, si quid opus: at ille, ut paulum, inquit, à sole abste. Alexander deinde ad suos reversus, se Diogenem esse velle dixit, si Alexander non esset: Cupidus igitur late imperandi, patrimonium omne inter amicos divisit, Antipatro domi relicto, in Hellepontumque primo traiecit, ac Ilium peruenit, ubi animadverso Achillis sepulchro, felicem appellavit, cui praeco laudum Homerus contigisset. Deinde contra Dareum profectus ad Granicum flumen, quod Asiae porta sit quaedam, praefecti regis occurrentes pugnam conserunt, ubi victor traditur fuisse, caesis barbarorum viginti millibus, ex Macedonibus triginta quatuor tantum. Deinde ad maritimam oram descendens, Pamphylia, Cilicia, Phoeniciaeque regiones: deinde Paphlagonia Cappadociaeque subiegit. In transitu Cydni fluvii frigidissimi morbo correptus bello superfectus; verum paulo post à Philippo medico curatus in castra venit, atque rursus cum Dareo, qui sexcenta hominum millia armaverat, in praedium descendit; quem demum superavit caesis hostium undecim millibus castris insuper potius: regem fugientem per quinque stadia insectatus est: uxorem filiasque captivas ad se perductas honorifice ac pudice habuit. Ab hac igitur in litore quoque Aegypti loci amantissime delectatus Alexandriam urbem condendam mandavit: Ipse ad Iouem Ammonem per loca vasta solitudine post Cambysen secundus accessit. Hic multa millia è suis obruta arenarum vi Austro perstraxe fuerit. Vbi vero templum attigit à sacerdote persuasus Iouis filium se putavit. Postremo, tertio Dareum vires redintegrandam petens vicit, atque omnino prostratum una cum regno sustulit Persarum. Hinc Babylonios cum tota regione subiegit: mox Dareum persecutus adiuvit à Besso illius familiari, eum captum à suis atque interfectum, quem regis in tectionem vestibus mari eius tumulandum remisit, Bessum vero interfectorem supplicio affectit. Dareus autem moriens deos precabatur, uti Alexandrum secundarent, quem hostem clementiorem quam suos inuenisset. Deinde in Parthum mouens superato Oreaxae fluvio (hic enim Rha est, quem Alexander Toniaim alterum putavit) Scythas lacepsit: ulterius fluxu ventris correptus insequi desistit. In his locis occurrentem habuit Thalesstem Amazonum reginam, teste Iustino, XXXV. diem itinere confecto, quae ex ipso pregnans dicitur discessisse. In Indiam postrema profectus suos exhortatus est, ne animo deficerent; parui temporis laborem Macedonibus orbis imperium ac perpetuam gloriam pariturum: ubi primum Taxilem regem obviam cum muneribus habuit, superatoque Idasphe fluvio Porum alterum Regem occurrentem cum maximo exercitu vicit, quem in praelio victum ac captum dimisit uti prius liberum. Erat Porus quatuor cubitis & palmo procerus, in quo praelio Bucephalum amisit, in cuius honorem supra Idaspem Bucephaliam urbem condidit. In ea sane regione cum multis collocutus gymnosophistis dicitur, inter quos Calanus nomine eum secutus, sese vinum constructa pyra comburi iussit. Alexander deinde dextrum Indiae latus adnavigari perquirique iussit classi Onesicrito praefecto, ac Nearcho duce constitutus, ipse per mediterranea remigrans, cum alui dolore vexaretur, Babylonem repetiit, ibique febris correptus excessit, nullo veneni signo, anno aetatis XXXIII. & à Ptolemao Alexandriam regia funeris pompa delatus. Fuit vini avidus, adeo, ut per ebrietatem praecipuos amicos interfecerit. Clitum, qui in mensa Philippum Alexandro praetulit, Philotam & Parmenionem infidiarum suspitione, necari iussit: Callisthem philosophum Aristotelis propinquum, quem inter charissimos habuerat, deinde in Hermolai coniuratione suspectum, quodque adorandum Alexandrum esse negaret, misere adfectum casum necavit. Castitate alioquin tanta, ut praeter uxorem & Berfinem è Damasco viduam, ac regiam mulierem, nullam aliam complexus fuerit. Roxanem uxorem, Oniartis regis filiam, non prius attigit, quam perfectis ex ordine sponsalibus solendum valde loqueretur, eam contraxerit famam. Cibi etiam parcissimum fuisse, quod prandij condimentum, nocturnum iter solebat appellare; canae, frugi ac brevis prandium. In rebus ob-

eun-

Vita Alexandri.

enudis summa alioquin diligentia, nullam omitendo occasione, declarant maxima res breui tempore gesta. Mane ante omnia sacrificabat. Si quando vacaret, aut rationi aut lectioni se tradebat, praesertim Homerum, quem etiam nocte puluillo subicere solebat. Interdum conuiuio animam exhilarabat, ut post Dareum victum quisque suorum amicos ad epulas inuitauit, inter quas Thais fuit Atheniensis genere, quam postea Ptolemaeus magnopere admauit. Haec cum in caena rogasset Alexandrum, ut Persarum regiam, quia patriam suam incenderant, creparet, statim mandauit. Puerorum insuper abstinentissimus omnino, quorum triginta millia ad disciplinam militarem erudiendorum nutiri mandauit: quin & quendam pollicentem, se pulchrum ei empirium puerum, acriter obiurgauit, solebatque dicere, coitum ac somnium duo maxima moriaduatis esse signa.

Atque haec ita necessario praefanda esse duximus, ut appareret, quae & argumenti historiaeque illius dignitas, scriptoris vero ipsius existimatio atque apud eruditos auctoritas esset; & quibus praesidiis animum ad recensionem eius adiecerimus: ne quis vanam aut parum modestam vocem arbitretur, si asseramus hanc editionem nostram, omnium quae vnquam prodierunt, & castigatissimam fore, & commodissimam, quod equidem ut confido ipse successus operis satis declarabit. Ceterum si quae alia de Alexandro traduntur, ea maxima ex parte supplementum nostrum in hunc autorem complectitur; alia, quae grauitate historica indigna videbuntur, ad

Curtium passum, & praesertim in extrema eius historia

annotabimus.

F SE-